



<u>LEFAPHA</u>	: THUTO
<u>LEKALA</u>	: CHILDHOOD EDUCATION (CALT)
<u>KHEMPAHSE</u>	: SWC
<u>MOJULU</u>	: SESOTHO FOR THE FOUNDTION PHASE 3B
<u>KOTARA</u>	: YA 2
<u>HLAHLBO</u>	: HLAHLBO YA TLATSETSO 2020

<u>LETSATSI</u>	:	
<u>MOHLAHLBI</u>	:	MS M. VAZ
<u>MOHLAHLBISISI</u>	:	MR S. KABI
<u>DIHORA</u>	:	2
		<u>MATSHWAO</u> : 100

MAQHEPHE 5

DITAELO:

1. Lekola pampiri ya hao ya hlahlobo yohle pele o araba dipotso.
2. Araba dipotso tsohle
3. Nomora dikarabo tsa hao ka nepahalo
4. Sebedisa mongolo o bonahalang hantle, o motle
5. Ngola seboko, lebitso le nomoro ya hao ya moithuti dibukeng tsohle tsa dikarabo.
6. Kenya hlahlobo ya hao ho Blackboard ka letsatsi le behetsweng hlahlobo.

POTSO 1 TSHWANTSHISO

Ngola tshwantshiso ya puisano ya mela e leshome le metso e tsheletseng (robedi sebui ka seng) ka tlhekefetso ya bana le basadi Afrika Borwa. Ela hloko dintlha tse latelang:

1.1 Moralo (tlhahiso, tswelopele, tharahano)

1.2 Dibapadi (moetapele, mohanyetsi, mofapanyi)

1.3 Mokotaba

1.4 Kgohlano (ya ka ntle kapa ya ka hare)

1.5 Puisano (boitshetleho ba puisano)

Tse hlahlojwang	0-1	2-3	4-5
Tlhahiso	Moithuti ha a hlalosa tsebiso ya dibapadi, tikoloho le sesosa sa kgohlano	Moithuti o hlalosa dintlha empa e seng ka botlalo	Moithuti o hlalosa dintlha tsohle ka botlalo ka tlasa tlhahiso
Tswelopele le tharahano	Moithuti ha a hlalose sesosa sa tharahano le hore ditaba di tswelapele jwang	Moithuti o hlalosa tharano empa ha a hlalose kamoo ditaba di tswelang pele ka teng kapa kamoo di ka tswelangpele ka teng	Moithuti o hlalosa kamoo tharahano le tswelopele ya ditaba le ka moo di ka tswellang opele ka teng
Dibapadi	Ho hlahisitswe feela dibapadi tse pedi	Ho hlahisitswe dibapadi hlahiswa tsohle	Dibapadi di hlahisitswe tsohle
Mookotaba (tlhekefetso ya basadi le bana)	Moithuti ha a hlahisa mookotaba wa papadi e	Mookotaba o hlahisitswe empa ha o hlaka hantle	Mookotaba o hlahisitswe hantle
Kgohlano	Moithuti ha a hlalose mefuta ya dikgohlano e hlahellang papading	Moithuti o hlahisitse kgohlano ka kantle kapa ya ka hare feela	Moithuti o hlalositse mefuta e mmedi ya kgohlano e eo dibapadi di neng di shebane le tsona
Puisano	Moithuti ha a hlalose hore puisano a mabapi le eng	Moithuti o leka ho hlalosa hore puisano e mabapi le eng	Moithuti o hlalosa ka botlalo hore puisano e ka eng le hore e amana jwang le mokotaba wa papadi

[30]

POTSO2 PADI

1. Ngola moqoqo wa leqephe le le leng ka Lesibu le moradi wa hae mme o hlalose karolo eo ba e bapalang pading ho ya ka tsebo ya hao ya sebopeho sa sengolwa sena. Fana ka maikutlo a hao ka diketsahalo pakeng tsa baphetwa bana mme o bolele kamoo wena o neng o ka rata hore Lesibu le moradi wa hae ba ka be ba phedisane jwang.

Tse hlahlojwang	0-1	2-3	4-5
Tlhaloso ya sebapadi ka seng dibabadi	Moithui ha a qala ka ho tsebisa le ho baphetwa	Moithuti o tsebisitse mophetwa a le mong fela	Moithuti o tsebisitse baphetwa ka bobedi
Tlhaloso ya kamano le mofuta wa sebapadi ka seng	Moithuti ha a hlalosa mofuta wa mophetwa ka mong le kamano ya bona	Moithuti o lekile ho hlalosa mofuta wa mophetwa ka mong le kamano ya bona	Moithuti o hlalositse mofuta wa mophetwa ka mong le kamano ya bona
Maikutlo a moithuti ka diketsahalo	Moithuti ha fana ka maikutlo a hae ka diketsalo tsa pale	Moithuti o fane ka maikutlo a hae ka diketsalo tsa pale	Moithuti o fane ka maikutlo a hae ka diketsalo tsa pale ka tsela e bontshang kutlwisiso a maemo a ditba ho ya ka mookotaba wa pale
Tshwaelo ya moithuti	Moithuti ha a tshwaele ka hore o ne a ka rata hore Lesibu le moradi ba ka ba phedisane jwang	Moithuti lekile ho tshwaela ka hore o ne a ka rata hore Lesibu le moradi ba ka ba phedisane jwang	Moithuti o tshwaetse ka botlalo ka moo a ne a ka rata hore Lesibu le moradi ba ka be ba phedisane jwang

[20]

POTSO 3 THOTHOKISO

3.1 Qapa thotokiso ya ditema tse tharo ka diketsahalo tse mabapi le bobodu mafapheng a mmuso mme o ele hloko dintlha tse latelang ka sebopeho sa thotokiso:

- Mofuta wa thothokiso
- puo e nonneng, e poteletseng (maele le dikapolelo tse leshome)
- molaetsa wa thothokiso
- mookotaba
- boqapi
- mopeleto, tshebediso ya puo le mongolo

(30)

Dihlahlobo	0 -2	3-4	5
Mofuta wa thothokiso	Mofuta wa thotokiso ya moithuti ha o a hlaka ho hang.	Mofuta wa thothokiso ya moithuti o batla hlakile.	Mofuta wa thothokiso ya moithuti o hlakile hantle mme mmadi o kgona ho o bona thotokisong ka bophara.
Puo e nonneng (maele le dikapolelo)	Moithuti ha a sebedisa dikapuo, puo e nonneng e poteletseng ho totobatsa maikutlo a thothokiso	Moithuti o lekile ho sebedisa dikapuo, puo e nonneng e poteletseng mona le mane ho totobatsa maikutlo a thothokiso	Moithuti o sebedisitse dikapuo, puo e nonneng e poteletseng hantle haholo ho totobatsa maikutlo a thothokiso
Molaetsa wa thotokiso	Thothokiso ha e na molaetsa o hlakileng eo o o fetisang ho babadi	Molaetsa wa thotokiso ha o a hlaka hantle	Molatsa wa thotokiso o hlakile hantle mme babadi ba ka ithuta ho hong
Mookotaba	Mookotaba wa thothokiso ha o hlaka mme ho boima ho utlwisisa hore thothokiso e susumeditse ke eng	Mookotaba wa thothokiso o batla o hlakile mme ha ho boima ho utlwisisa hore thothokiso e susumeditse ke eng	Mookotaba wa thothokiso o hlakile mme ha ho bobebe ho utlwisisa hore thothokiso e susumeditse ke eng
Boqapi	Thothokiso ha e a qapuwa ha botjha	Moithuti o lekile ho qapa thothokiso e ntjha	Moithuti o qapile thothokiso entjha e nang le bohola ba dintlha tsa bohlokwa tsa sebopeho
Mopeleto, tshebediso ya puo le mongolo	Moithuti ha a nepa mopeleto wa mantswe a fetang leshome mme ho na le diphoso tse ngata tsa tshebediso ya puo le mongolo.	Moithuti o nepile mopeleto wa mantswe a fetang leshome mme ho na le diphoso tse mmalwa tsa tshebediso ya puo le mongolo.	Moithuti o peletile mantswe ohle ka nepo mme ha ho na diphoso tsa tshebediso ya puo le mongolo.

3.2 Boha e be o araba dipotso mabapi le khathunu e ka tlase:



3.2.1 Hlalosa hore o nahana ke bo mang batho ba tshwantshitsweng khathunung? (3)

3.2.2 Ha o shebile ba ho kae, mme o nahana hobaneng ba le moo? (2)

3.2.3 Ho ya ka tjhebo ya hao ngwana enwa ke ngwana ya jwang? Tshehetsa karabo ya hao. (2)

3.2.4 Hlalosa hore ha e ne e le wena motswadi wa ngwana enwa o ne o tla thusa mosuwetsana/ mosuwehloho ho rarolla bothata bona jwang? (2)

3.2.5 Na o nahana hore ba ile ba nka qeto efeng? (1)

[40]

PAPATSO 4

4.1 Ditshwantsho ke tse ding tsa dintho tse sebediswang dipapatsong. Boha setshwantsho se latelang ebe o ngola halofo ya leqephe ho hlalosa tshebediso ya ditshwantsho dipapatsong tsa dijo le boiphihlelo ba hao ka dijo tseo o kileng wa direka kamora hoba o bone papatso ya tsona e ka ba thelebisheneng kapa dikoranteng.



4.1.1 Setshwantsho se ka hodimo ke mofuta wa papatso. O ka neha papatso ya hao sehlooho sefe, ngola mongolo o ka sebediswang papatsong eno mme o hlalose hore e loketse batho bafe dilemong?

Tse hlahlojwang	0 -2	3-4	5
Sehlooho	Sehlooho sa moithuti ha se tsamaelane le ditshwantsho tsa se bapatswang	Sehlooho sa moithuti se batla se sa hlaka mabapi le ditshwantsho tsa se bapatswang	Sehlooho sa moithuti se tsamaelana hantle le ditshwantsho tsa se bapatswang
Tlhahisoleseding le monglo	Tlhahisoleseding e kopakopane mme ha e o fe dintlha ho hang ka se bapatswang	Tlhahisoleseding ha e fane ka dintlha tsa bohlokwa ka se bapatswang	Tlhahisoleseding e fana ka dintlha tsohle tsa bohlokwa ka se bapatswang ho fa moreki wa ho etsa qeto ka sehlahiswa

[10]

MATSHWAO=100

